

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ՀԱՅՏԱՐԱՐՈՒԹՅՈՒՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԱՄ-2018/113, 21.12.2018թ.

**Բողոք ներկայացնող անձ՝** «Առնիկա» ՍՊԸ

**Պատվիրատու՝** ՀՀ պաշտպանության նախարարություն

**Գնման ընթացակարգի ծածկագիրը և առարկան՝** «ՀՀ ՊՆ ՆՏԱԴ-ԷԱՃԱՊՁԲ-9/2» ծածկագրով էլեկտրոնային աճուրդ, ՀՀ պաշտպանության նախարարության կարիքների համար դեղորայքի ձեռքբերում:

**Բողոքի պահանջը՝**

Դադարեցնել ՀՀ պաշտպանության նախարարության կարիքների համար դեղորայքի ձեռքբերման նպատակով հայտարարված «ՀՀ ՊՆ ՆՏԱԴ-ԷԱՃԱՊՁԲ-9/2» ծածկագրով էլեկտրոնային աճուրդի գնահատող հանձնաժողովի 29.11.2018թ. ժամը 12:00-ի նիստի թիվ 3 արձանագրության 1.2-րդ կետով «Առնիկա» ՍՊԸ-ի հայտը մերժելու մասին որոշումը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Մ. ԱՆԱՆՅԱՆ, ՔԱՐՏՈՒՂԱՐ՝ Ա. ԾԱՏՈՒՐՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

**ՀՀ գնումների հետ կապված բողոքներ քննող անձին**

**Բողոք բերող՝ «Առնիկա» ՍՊԸ**

Հասցե՝ ՀՀ, ք. Երևան, Աղոնցի փողոց 3-րդ շենք, բն. 8 ա

հեռ: 091 20-88-75

Էլ.փոստ՝ arnicaarnica2018@gmail.com

**Պատվիրատու՝ ՀՀ պաշտպանության նախարարություն**

Հասցե՝ ՀՀ, ք. Երևան, Բագրևանդի 5

հեռ: 010-66-24-94

Էլ.փոստ՝ a.maghaqyan@mil.am

**Գնման ընթացակարգի ծածկագիրը և առարկան՝**

ՀՀ պաշտպանության նախարարության կարիքների համար «դեղորայքի» ձեռքբերման նպատակով հայտարարված «ՀՀ ՊՆ ՆՏԱԴ-ԷԱՃԱՊՁԲ-9/2» ծածկագրով էլեկտրոնային աճուրդ՝

**Բ Ո Ղ Ո Ք**

**• Բողոքի նախապատմությունը և փաստերը**

ՀՀ պաշտպանության նախարարության (այսուհետ նաև՝ Պատվիրատու) կողմից դեղորայքի ձեռքբերման նպատակով կազմակերպվել է «ՀՀ ՊՆ ՆՏԱԴ-ԷԱՃԱՊՁԲ-9/2» ծածկագրով էլեկտրոնային աճուրդ (այսուհետ նաև՝ Ընթացակարգ), որին, ի թիվս այլ ընկերությունների, հայտ է ներկայացրել նաև «Առնիկա» ՍՊԸ-ն:

Ընթացակարգի գնահատող հանձնաժողովի 29.11.2018թ. ժամը 12:00-ին տեղի ունեցած նիստի թիվ 3 արձանագրության 1.2 կետի համաձայն՝ «Առնիկա» ՍՊԸ-ն Ընթացակարգի 1-ին, 5-րդ, 7-րդ, 8-րդ, 13-րդ, 14-րդ չափաբաժինների մասով ճանաչվել առաջին տեղ զբաղեցնող մասնակից:

Այսուհետև Ընթացակարգի գնահատող հանձնաժողովի վերը նշված արձանագրության շարունակության համաձայն՝

- 21.11.2018թ. E-auction համակարգի միջոցով 1-ին տեղ զբաղեցնող մասնակցին առաջարկվել է ներկայացնելու «ՀՀ ՊՆ ՆՏԱԴ-ԷԱՃԱՊՁԲ-9/2» ծածկագրով էլեկտրոնային աճուրդի հրավերով նախատեսված որակավորման պահանջներին իր համապատասխանությունը հիմնավորող փաստաթղթերը, սակայն **պահանջված ժամկետում** «Առնիկա» ՍՊԸ-ի կողմից պահանջվող որևէ փաստաթուղթ չի ներկայացվել:

ԱՇԽԱՏԱՎԱԾՄԱՆ ԳՐԱԿԱՆՈՒՄ

21.12.2018թ.  
6 2 134-18.



- Ընթացակարգի գնահատող հանձնաժողով հիմք ընդունելով ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 43-րդ կետի 4-րդ ենթակետը որոշել է «Առնիկա» ՍՊԸ-ի հայտը մերժել:

- Բողոքի իրավական հիմքերը և հիմնավորումները

«Գնումների մասին» ՀՀ օրենքի (այսուհետ նաև՝ Օրենք) 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, *ունի գնման գործընթացին մասնակցելու հավասար իրավունք:*

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 47-րդ կետի համաձայն՝ առաջին տեղն զբաղեցրած մասնակցի կողմից փաստաթղթերն ամբողջական չներկայացվելու, ինչպես նաև ներկայացված՝ ներառյալ կոմիտեի կողմից տրամադրված որակավորման չափանիշները հիմնավորող՝ հրավերով նախատեսված փաստաթղթերի, իսկ ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթղթի գնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը նույն օրն էլեկտրոնային եղանակով *ձանուցում է առաջին տեղն զբաղեցրած մասնակցին՝ ստաջարկելով մեկ աշխատանքային օրվա ընթացքում շտկել անհամապատասխանությունը:*»

Ինչպես արդեն հայտնել ենք՝ «Առնիկա» ՍՊԸ-ն մասնակցության հայտ է ներկայացրել ՀՀ պաշտպանության նախարարության կողմից հայտարարված «ՀՀ ՊՆ ՆՏԱԴ-ԷԱՃԱՊԶԲ-9/2» ծածկագրով էլեկտրոնային աճույրյին և Ընթացակարգի 1-ին, 5-րդ, 7-րդ, 8-րդ, 13-րդ, 14-րդ չափաբաժինների մասով ճանաչվել է առաջին տեղ զբաղեցնող մասնակից:

Այնուհետև, Ընթացակարգի գնահատող հանձնաժողովը որոշել է՝ առաջին տեղ զբաղեցնող մասնակցին առաջարկել ներկայացնելու Ընթացակարգի հրավերով նախատեսված որակավորման չափանիշներին իրենց համապատասխանությունը հավաստող փաստաթղթերը, սակայն՝ 29.11.2018թ. տեղի ունեցած նիստի թիվ 3 արձանագրության 1.2 կետի համաձայն՝ գնահատող հանձնաժողովը արձանագրել է, որ «Առնիկա» ՍՊԸ-ն սահմանված ժամկետում որակավորման չափանիշներին իրեն համապատասխանությունը հավաստող

որևէ փաստաթուղթ չի ներկայացրել և նույն կետով էլ գնահատող հանձնաժողովը որոշել է «Առնիկա» ՍՊԸ-ի հայտը մերժել:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք ուզում հրավիրել այն հանգամանքի վրա, որ «Առնիկա» ՍՊԸ-ն սահմանված ժամկետում, այն է 22.11.2018թ.-ին, ներկայացրել է «ՀՀ ՊՆ ՆՏԱԴ-ԷԱՃԱՊՁԲ-9/2» ծածկագրով էլեկտրոնային աճուրդի հրավերով նախատեսված որակավորման չափանիշներին իրենց համապատասխանությունը հավաստող փաստաթղթերը, սակայն E-auction համակարգի թերի աշխատանքի հետևանքով Ընկերության կողմից ուղարկված փաստաթղթերը գնահատող հանձնաժողովին չի հասել: Համակարգի միջոցով փաստաթղթերը ուղարկելու ժամանակ վստահեցնում ենք, որ E-auction համակարգի մեր անձնական էջում այրվել է կանաչ լույսը և եկել ծանուցում, որը փաստաթղթերը հաջողությամբ բեռնվել են, իսկ կանաչ լույսը այրվում է միայն այն ժամանակ երբ փաստաթղթերը հաջողությամբ ուղարկվում է:

Վերոգրյալի հետ կապված ՀՀ ֆինանսների նախարարության թեժ գծին ահազանգել ենք նշված խնդրի մասին և պահանջել ենք հանդիպում համապատասխան համակարգի սպասարկման բաժնի աշխատակիցների հետ, որտեղ բարձրաձայնել ենք «Առնիկա» ՍՊԸ-ի մոտ առաջացած խնդիրը և պահանջել ՀՀ ֆինանսների նախարարությունից տրամադրել համապատասխան պարզաբանում, որպեսզի հնարավորություն ունենանք բողոքարկելու «Առնիկա» ՍՊԸ-ի հայտը մերժելու որոշումը:

Ի պատասխան «Առնիկա» ՍՊԸ-ի կողմից 30.11.2018թ. կատարված հարցմանը՝ ՀՀ ֆինանսների նախարարության կողմից տվել է պարզաբանում, որում մասնավորապես նշվել է հետևյալը:

«Ահազանգի հիման վրա 30.11.2018թ. ժամը 15:24-ին խնդրի պարզաբանման պահանջ է ներկայացվել էլեկտրոնային աճուրդի համակարգի ծրագրային ապահովումն իրականացնող կազմակերպությանը, որը իրականացնելով տվյալների հենքի ուսումնասիրություն՝ փաստել է, որ «Առնիկա» ՍՊԸ օգտատերը (N48997) 22/11/2018թ. ժամը 11:28:36-ին մուտք է գործել վերոգրյալ ընթացակարգի «որակավորման փաստաթղթեր» ներբեռնելու էջ, այնուհետև 22.11.2018թ. ժամը 11:34:54-ին դուրս է եկել համակարգի «Մրցույթների ցանկ» բաժին, սակայն «որակավորման» փուլի տվյալներ չեն տրամադրվել համակարգ և դրանք առկա չեն հենքում»:

ՀՀ ֆինանսների նախարարության կողմից ներկայացված պարզաբանմամբ հստակ է, որ «Առնիկա» ՍՊԸ-ն 22.11.2018թ. ժամը 11:28:36-ին մուտք է գործել էլեկտրոնային աճուրդի համակարգի «որակավորման փաստաթղթեր» ներբեռնելու էջ և ժամը 11:34:54-ին դուրս է եկել



համակարգի «Մրցույթների ցանկ» բաժին:

Այս փաստի հետ կապված հայտնում ենք, որ եթե որևէ ընկերություն մուտք է գործում Eaucion էլեկտրոնային աճուրդի համակարգի «որակավորման փաստաթղթեր» բաժին, ապա կամ մուտք պետք է գործի ներբեռնելու էջ և ուղարկի համապատասխան փաստաթղթերը, կամ հրաժարվի ներբեռնելու էջի գործողությունից և նոր դուրս գա համակարգի «Մրցույթների ցանկ» բաժին: «Առնիկա» ՍՊԸ-ի պարագայում՝ ընկերությունը մուտք է գործել էլեկտրոնային աճուրդի համակարգի «որակավորման փաստաթղթեր» ներբեռնելու էջ և ժամը 11:34:54-ին դուրս է եկել համակարգի «Մրցույթների ցանկ» բաժին, այսինքն առկա չէ Eaucion էլեկտրոնային աճուրդի համակարգի «որակավորման փաստաթղթեր» բաժնի ներբեռնելու էջից հրաժարվելու գործողություն, որը միանշանակ կարձանագրվեր էլեկտրոնային աճուրդի համակարգի ծրագրային ապահովումն իրականացնող կազմակերպության կողմից:

Այնուամենայնիվ, ՀՀ ֆինանսների նախարարության կողմից տրված պարզաբանումը չգոհացրեց «Առնիկա» ՍՊԸ-ին. քանի որ էլեկտրոնային աճուրդի համակարգի ծրագրային ապահովումն իրականացնող կազմակերպությունում տեղի ունեցած հանդիպման ընթացքում կազմակերպության *պատասխանատուները ընդունեցին ծրագրի թերացման հետևանքով առաջացած խնդրի փաստը* և պարտավորվեցին տալ հստակ պարզաբանում և կապված վերոգրյալի հետ «Առնիկա» ՍՊԸ-ի կողմից լիազորված փաստաբանի կողմից կրկին հարցում ներկայացվեց ՀՀ ֆինանսների նախարարություն, որով մասնավորապես խնդրել ենք հայտնել.

1. Արդյոք տեխնիկապես հնարավոր է, որ մասնակցի կողմից անհրաժեշտ որակավորման չափանիշները հիմնավորող փաստաթղթերը ուղարկվեն, սակայն դրանք տեխնիկական խնդիրների պատճառով առկա չլինեն հենքում և ինչով դա կարող է պայմանավորված լինել:

2. Արդյոք հնարավոր է պարզել, թե «Առնիկա» ՍՊԸ օգտատերը (N48997) 22/11/2018թ. ժամը 11:28:36-ից մինչև ժամը 11:34:54-ն «ՀՀ ՊՆ, ՆՏԱԴ-ԷԱՃԱՊԶԲ-9/2» ծածկագրով ընթացակարգի «որակավորման փաստաթղթեր» ներբեռնելու էջում ինչ գործողություններ է կատարել:

Ի պատասխան փաստաբանի վերը նշված հարցմանը ՀՀ ֆինանսների նախարարությունը 18.12.2018թ. թիվ 27/26-1/23598-18 գրությամբ հայտնել է հետևյալը.

«Գրությամբ բարձրացված խնդրի վերաբերյալ պարզաբանում ստանալու համար ՀՀ ֆինանսների նախարարությունը դիմել է էլեկտրոնային աճուրդի համակարգը սպասարկող կազմակերպությանը: Վերջինս տեղեկացրել է, որ ՀՀ պաշտպանության նախարարության

կողմից կազմակերպված ՀՀ ՊՆ ՆՏԱԴ-ԷԱՀԱՊՁԲ-9/2 ծածկագրով գնման ընթացակարգի շրջանակներում «Առնիկա» ՍՊԸ-ի կողմից նեկայացված որակավորման չափանիշները հիմնավորող փաստաթղթեր տվյալների հենքում առկա չեն:

Կազմակերպությունը հայտնել է նաև, որ մասնակցի համապատասխան աշխատակիցը 22/11/2018թ. ժամը 11:28:36-ին մուտք է գործել ընթացակարգի որակավորման փաստաթղթեր ուղարկելու էջ: Նույն օրը ժամը 11:34:54-ին աշխատակիցը դուրս է եկել հիշյալ էջից և մուտք է գործել մրցույթների ցանկ:

Միաժամանակ տեղեկացվել է, որ ըստ սպասարկող կազմակերպության հավաստման՝

1) համակարգում խափանումներ չեն արձանագրվել, որը կարող էր պատճառ հանդիսանալ որակավորման չափանիշները հիմնավորող փաստաթղթերը տվյալների հենքին չհասնելու համար.

2) հնարավոր չէ պարզել, թե մասնակցի հիշյալ աշխատակիցը 22/11/2018թ. ժամը 11:28:36-ից մինչև ժամը 11:34:54-ը որակավորման փաստաթղթեր բեռնելու էջում ինչ գործողություններ է կատարել դիտարկիչում (բրաուզերում):»

ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ եթե նույնիսկ «Առնիկա» ՍՊԸ-ի կողմից ԼԷԿՍՐՈՆԱՅԻՆ աճուրդի համակարգի ծրագրի թերացման պատճառներով սահմանված կոթյա ժամկետում որակավորման փաստաթղթերը չեն ներկայացվել Պատվիրատուին, ապա գնահատող հանձնաժողովի կողմից պետք է ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 47-րդ կետի համաձայն՝ հնարավորություն ընձեռնել առաջին տեղն զբաղեցրած մասնակցին մեկ աշխատանքային օրվա ընթացքում շտկել անհամապատասխանությունը, որի գնահատող հանձնաժողովի կողմից անտեսվել է:

Հայտնում ենք, որ այս հարցի կապակցությամբ (թե արդյոք Ընկերությանը պետք է տրվեր շտկում կատարելու հնարավորություն) Ընկերության կողմից լիազորված փաստաթանը 11.12.2018թ. գրությամբ հարցում է կատարել ՀՀ ֆինանսների նախարարություն՝ հետևյալ բովանդակությամբ (կցվում է).

«Կարգի 47-րդ կետ համաձայն՝ առաջին տեղն զբաղեցրած մասնակցի կողմից փաստաթղթերն ամբողջական չներկայացվելու, ինչպես նաև ներկայացված ներառյալ կոմիտեի կողմից տրամադրված որակավորման չափանիշները հիմնավորող հրավերով նախատեսված փաստաթղթերի, իսկ ապրանքների գնման դեպքում նաև սույն կարգի 32-րդ



կետի 1-ին ենթակետի «գ» պարբերությամբ նախատեսված փաստաթղթի գնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը նույն օրն էլեկտրոնային եղանակով ծանուցում է առաջին տեղն զբաղեցրած մասնակցին՝ առաջարկելով մեկ աշխատանքային օրվա ընթացքում շտկել անհամապատասխանությունը:

*Ղեկավարվելով «Փաստարանության մասին» ՀՀ օրենքի 18-րդ հոդվածի 3-րդ կետի պահանջներով՝ խնդրել է հայտնել, եթե առաջին տեղն զբաղեցրած մասնակցի կողմից որակավորման չափանիշները հիմնավորող՝ հրավերով նախատեսված փաստաթղթերը չեն ներկայացվել, ապա ընթացակարգի գնահատող հանձնաժողովը արդյոք պարտավոր չէ Կարգի 47-րդ կետի համաձայն՝ հնարավորություն ընձեռնել առաջին տեղն զբաղեցրած մասնակցին մեկ աշխատանքային օրվա ընթացքում շտկել անհամապատասխանությունը:»*

Ի պատասխան վերը նշված հարցմանը՝ ՀՀ Ֆինանսների նախարարությունը 18.12.2018թ. թիվ 01.1/27-1/23597-18 գրությամբ հայտնել է, որ 11.12.2018թ. գրությամբ բարձրացված հարցը կարգավորված է Կարգի 32-րդ կետի 20-րդ ենթակետով և **47-րդ կետով**:

*Այսպիսով, ակնհայտ է, որ լիազոր մարմնի՝ ՀՀ Ֆինանսների նախարարության, գրությունից բխում է, որ եթե անգամ առաջին տեղն զբաղեցրած մասնակցից «Առնիկա» ՍՊԸ-ի կողմից որակավորման չափանիշները հիմնավորող՝ հրավերով նախատեսված փաստաթղթերը չեն ներկայացվել (չնայած Ընկերության կողմից ներկայացվել է), ապա Ընթացակարգի գնահատող հանձնաժողովը պարտավոր էր առաջնորդվել Կարգի 47-րդ կետով և հնարավորություն ընձեռնել առաջին տեղն զբաղեցրած մասնակցին մեկ աշխատանքային օրվա ընթացքում շտկել անհամապատասխանությունը:*

Հատկանշական է, որ Ընթացակարգի գնահատող հանձնաժողովը 29.11.2018թ. E-auction համակարգի միջոցով ուղարկել է ծանուցում, որում նշված է, որ «Առնիկա» ՍՊԸ-ն սահմանված ժամկետում որակավորման չափանիշներին իրեն համապատասխանությունը հավաստող որևէ փաստաթուղթ չի ներկայացրել, ինչի արդյունքում Ընթացակարգի գնահատող հանձնաժողովը որոշել է «Առնիկա» ՍՊԸ-ի հայտը մերժել: Մինևույն ժամանակ ծանուցման մեջ նշվել է, որ **առաջարկում ենք «Առնիկա» ՍՊԸ-ին գնումների մասին ՀՀ օրենսդրությամբ սահմանված ժամկետում շտկել նշված անհամապատասխանությունները:**

ՀՀ գնումների հետ կապված բողոքներ քննող անձի տեղեկացնում ենք, որ այդ փուլում «Առնիկա» ՍՊԸ-ի կողմից ամբողջությամբ ուղարկվել է պահանջված փաստաթղթերը, սակայն Ընթացակարգի գնահատող հանձնաժողովի կողմից դրանք չեն ուսումնասիրվել և չեն



գնահատվել:

Գտնում ենք, որ վերոհիշյալ փաստերը և գնահատող հանձնաժողովի գորշողությունները հանգեցրել են Օրենքի 7-րդ հոդվածի 1-ին մասի, ինչպես նաև Կարգի 47-րդ կետի պահանջների խախտմանը:

Ավելին, նման պայմաններում գնահատող հանձնաժողովի կողմից թույլտված անգործության հետևանքով Պատվիրատուն ստիպված կլինի կնքել պայմանագիր հաջորդաբար տեղ զբաղեցրած ավելի բարձր զին առաջարկած մասնակից հետ, ինչը էական վնաս կպատճառի բյուջեին և կհանդիսանա բյուջեի միջոցների անհիմն վատնում:

Ելնելով վերոգրյալից՝ ՀՀ գնումների հետ կապված բողոքներ քննող անձին

### Խ Ն Դ Ր Ո Ւ Մ Ե Մ՝

Դադարեցնել ՀՀ պաշտպանության նախարարության կողմից դեղորայքի ձեռքբերման նպատակով հայտարարված «ՀՀ ՊՆ ՆՏԱԴ-ԷԱՃԱՊՁԲ-9/2» ծածկագրով էլեկտրոնային աճուրդի գնահատող հանձնաժողովի 29.11.2018թ. ժամը 12:00-ին տեղի ունեցած նիստի թիվ 3 արձանագրության 1.2 կետով «Առնիկա» ՍՊԸ-ի հայտը մերժելու մասին որոշումը:

Առդիր՝ Գ թերթ:

Հարգանքով՝

«Առնիկա» ՍՊԸ -ի տնօրեն  Աշոտ Միքայելյան

21.12.2018թ.

